

金匱啟鑰

卷一

產後諸病

血暈氣脫論

澠江黃朝坊妙山輯著

血暈之証。何由而作。產後氣血暴虛。不得安靜。血隨氣上。迷亂心神。故眼黑頭眩。口噤。不知人事。然審其病之原由。則有三。治亦大同而畧異。或來血過多。或蓄血下少。或用心勞力過傷。血下少者。行瘀之藥不可少。有用失笑散者。不若用黑神散加靈脂更穩。來血過多者。芎歸湯。或八珍湯。勞役而暈者。補中益氣湯加香附。虛極而暈者。清

魂散重用人參或十全大補湯外法燒乾漆令烟濃薰產母卽醒或
鉄稱錘或石團子放火中燒令通赤置器中急近床前以醋沃之得
醋氣薰產母鼻中可醒此古人所以分娩先取醢醋以塗口鼻仍置
醋於傍便聞其氣或細細飲少許此爲上法如覺暈卽以醋喫而甦
有血去太多其氣亦去六脈沉細而氣將脫斯時有形之血難生無
形之氣可回氣旺則能生血氣壯則能統血急用人參數錢生薑炒
米煎湯灌下倘參難辨以大劑補血湯更加煨薑炒米紅棗濃煎急
急灌之後進六味回陽飲或十全大補湯重用黨參肉桂附子氣自
振拔血暈氣脫外証亦當明辨如牙關眼閉兩手握中掌謂之暈可

救之証。卽以上治暈法救之。如口開手撒遺尿。鼾聲謂之脫。卽以上救脫法用之。但口開心絕。手撒脾絕。遺尿腎絕。鼾聲肺絕。眼閉肝絕。皆元氣竭絕之候。惟大進參附。亦十可救一。爲醫者當心領而神會之。

証治歌

血暈之証何由作。產後氣血暴虛弱。血隨氣上亂心神。眼黑頭眩口噤合。審其病原則有三。治法雖殊亦大畧。來血或少或過多。用心勞力傷脈絡。下少行瘀失笑。散宜黑神散。加靈脂更穩着。血多芎歸湯。或入珍。勞役而暈別有藥。補中益氣香付加。憑証施方宜揣度。虛極

清魂散重用人參十全大補功非薄外法乾漆令燒烟濃薰產母卽醒活稱鍾石子火燒紅安置床前以醋沃醋氣薰蒸入鼻中古人設法傳衣鉢血去太多氣亦隨六脈沉細氣將脫血本難生氣易回薑參炒米濃煎酌無參卽用補血湯炒米棗薑加不錯後進六味回陽飲或十全大補湯黨參桂附宜重索外証亦當辨分明牙關眼閉兩手握量証可救勿倉皇治暈法度須商權口開手撒鼾有聲遺尿卽脫証凶惡用蔣必從救脫尋醫師臨証無束縛元氣絕候進附參十中救一莫輕諾心領神會自豁然金匱斯存堪啟鑰

脈

六脈沉細無力。或洪大空散。無神。皆血去過多。氣亦將脫之候。六脈遲濇帶滑。或沉伏細小。有神。皆蓄血下少。元氣未脫之診。用心過傷者。心肝之脈弦細而長。勞力過傷者。肺肝之脈弦緊而急。

方

芎歸散 治產后去血過多。血暈不省人事。

川芎

當歸

右水煎。食前服。腹中刺痛。加白芍。口渴。加烏梅。麥冬。寒熱。加白芍。水停心下。加茯苓。生薑。虛煩不眠。加人參。竹葉。

清魂散

治產后元氣虛。瘀血逆行作暈。

澤蘭葉

人參

各二
半

川芎

五小

荆芥

一兩

右爲細末用溫酒熱湯各半杯調一錢急灌下。卽醒一方有甘草二錢。

花蕊石散

治產後氣欲絕血迷血暈惡血奔心胎死及胞衣不下

但心頭暖急急以童便調一錢灌之用花蕊石一斤上色硫黃四兩各細研拌勻先用帛和塩泥固濟瓦罐子一只內可容藥候泥乾入藥在內用泥封口候乾安在四方磚上磚上書八卦五行字用炭迭圍周匝自巳午時從下發火令漸漸徹上有墜下火炭夾上直至經宿炭盡火冷仍放冷地經宿取出內藥細

磁瓶以使用研篩過收入

一方半下洗不拘多少爲末。凡如大豆大。內鼻孔中。卽甦。亦景五絕。一方切韭菜。入有嘴磁瓶內。熱醋沃之。卽將瓶口蜜紮。以瓶嘴內入產婦鼻孔。令醋氣透入。須先扶病人坐起。惡血衝心。故有此証。韭能去滯血。醋能運達。用無不效。

失笑散

見血崩

黑神散

見產要

八珍湯

補中益氣湯

見寒熱

補血湯

見胎自墜

十全大補湯

見調經

六味回陽飲

見大便不通

附案

一婦眼黑神昏。予以大劑大補元煎。加耆朮肉桂炮薑數劑。愈。

一婦血暈。人事不省。以石子燒紅。醋沃。氣蒸數次。方醒。薰後以十全大補湯加荆芥黑薑數劑愈。

一婦氣喘甚急。下瀉如傾。精神短少。脈沉細。七八至。顯是氣脫之証。以四味回陽飲用人參二劑。氣平。但瀉甚不止。肛門下脫。又以九氣丹加茱萸淮藥熟地各兩半。附子六七錢。共合大劑煎成膏。仍吞四神丸。十日後始畧見鬆。精神稍可運動。外以五倍明礬等洗托肛門。藥與丸服。至兩月方全愈。

惡露不下或不止論

產後病由瘀血。雖紛紛不一。總不外乎來與不來之兩途。所謂惡露不來者。由產后臟腑勞傷。氣血虛損。或胞絡夾宿冷。或產后當風取涼。風涼乘虛而搏於血。血則壅滯不宣。積蓄在內。故令惡露不下。治法。瘀蓄腹痛。可用荷葉散。冷熱不調。宜投沒藥丸。血蓄不行。失笑散。氣滯血凝。莖石散。但近時婦人體弱者。居多。產后數日。卽無行動。譬之井源枯竭。不能多溢。苟有腹痛等証。輒以大黃靈脂桃仁紅花之類。行血破血。其禍不旋踵而至矣。治此者。摠以生血養氣爲主。譬如導瘀之藥。則無不善。如初起腹痛。或身無行下。可用黑神散加靈脂。

后用十全大補湯加黑薑益母草甚加丹皮肉桂炮薑能達瘀所
行瘀之聖藥也。所謂血來不止者。亦由產后傷於經血虛損不足。或
分解之時。惡露不盡。凝於腹中。而臟腑夾於宿冷。致氣血不調。惡露
淋瀝不絕也。然亦各有所因。不可不辨。如肝氣熱不能主血。六味地
黃湯。脾經鬱熱而血不歸原。加味歸脾湯。怒動肝火。加味四物湯。肝
中風邪而血沸騰。一味防風湯。若此等証。間亦有之。而虛損者十之
八九。故有肝氣虛不能藏血者。逍遙散。脾氣虛不能攝血者。六君子
湯。胃氣下陷不能統血者。補中益氣湯。氣血兩虛者。十全大補湯。更
有陰中之陽弱。則不能攝血。且陽衰即氣散。以致脾不能統。肝不能

主之若致淋瀝日久。滑流不絕。短氣體瘦。頭憎煩熱。不思飲食者。則
牡礪散。毓麟珠。有必用也。倘僅以芎歸平淡而治。貽人重疾。可慨也
夫。

証治歌

惡露不下必有緣。勞傷虛損滯不宜。瘀蓄腹疼荷葉散。冷熱不調沒
藥丸。血蓄不行宜失笑。氣滯血凝蕊石研。近時婦人多體弱。血少難
如井底泉。腹痛輒用行破藥。禍不旋踵誰受愆。治法總宜生氣血。畧
加導藥保安全。初起腹痛身無下。黑神散加入五靈脂。便十全大補

繼宜進黑薑益母加入恬甚加丹皮薑用炮肉桂去皮必另研血來
不止又何故產后傷損是病原各有所因宜辨晰肝熱六味地黃先
脾經鬱熱歸脾湯進怒動肝火四物湯拈肝中風邪血騰沸一味防
丰散莫舍旃若此等証間亦有虛損而今必倍然故有肝虛不藏血
逍遙散進可解懸胃氣下陷宜益氣脾虛惟有大君賢氣血兩虛十
全大補湯陰中陽弱更申言陽衰氣散肝脾敗附子加入補元煎或
進右歸或八味如此調理病不延惜流不絕氣短瘦毓麟珠與牡礪
散傳倘以芎歸平淡治貽人重疾可慨焉

氣熱者肝脈必定洪數脾氣鬱熱者脾脈必定弦長怒動肝火肝脈弦緊肝夾風邪肝脈浮弦肝脈沉細微弱肝虛之候脾脈空大而散脾虛之診胃氣下陷脾脈必弱而微氣血兩虛六脈沉細無力

方

荷葉散 治產后惡露不下腹痛心煩

乾荷葉 二兩

鬼箭羽

桃仁

劉寄奴

蒲黃 各一兩

兩

右爲細末。每服三錢。加薑三片。生地一錢。搗碎同煎。入童便一大

蓋熱服

沒藥丸 治產后惡露方行。忽然斷絕。作寒熱。臍腹百脈皆痛。加錐

刺此由冷熱不調。或思慮動。作氣所壅遏。血蓄經絡。

當歸

兩一

桂心

芍藥

各五

桃仁

去皮尖 研碎

沒藥

研各二 小半

蟲虫

去足翅炒

水蛭

炒焦各 二十粒

右為末醋糊丸如豌豆大。醋湯下三丸。

加味四物湯 治產后月餘經血淋瀝不止。此陷下者舉之也。

當歸

川芎

白芍

熟地

白芷

升麻

各一

血餘灰 另入

右劉永煎服

芎歸加芍藥湯

治產后血崩眩暈不知人事。

川芎

當歸

芍藥

各等分

右以水煎無時熱服。

又獨聖散

治產后亡血過多腹痛血不止亦治赤白帶年久諸藥

不治良驗。用貫眾一味取狀如刺蝟者一個全用只擦去毛花

蔓用之不剉斷用好酒醋蘸濕慢火炙令香熟俟冷爲細末米

飲調下二錢空心食前服。

一大全療產後三四日惡露不下用芍藥二錢知母錢半生薑當歸

蒲黃各一錢。紅花五分。生地汁二合。荷葉中心蒂七枚。水煎去滓服。

生料五積散

治惡露不快。腹痛。或有塊。及發寒熱。並加醋少許煎。

亦能治血崩。

一方治血不下。用益母草搗汁。每水一鍾。入酒一合。攪勻溫服。

一方治血不下。用蒲黃三兩。水三升。煮至一升服。

一方治血不下。用麻子五升。酒一升。浸一宿。次日去渣溫服。不達再

服。不吐不下。禁與男子合。將養一月如初。瘥。

一方治血不止。鋸戟桑木取青一最。酒煎溫服之。